



Prelecziun dad Elisabeth Bardill:

Leben im Bergdorf – Frauen in Tenna

Gievgia, ils 12 da matg 2011 prelegia Elisabeth Bardill or da ses cudesch „Leben im Bergdorf – Frauen in Tenna“ en il Center da furmaziun per la sanadad ed ils fatgs socials (cfss). L’idea per il cudesch ha dà ad ella ina giuvna dunna. I sa tracta d’ina leva documentaziun da l’enviern e da la primavaira dal 2010. 19 dunnas da Tenna han participà al project. Ils discurs individuals las han gidà a s’avischinar ina a l’altra.

Las dunnas, ils umens ed ils uffants èn personalitads fitg differentas e furman ina cuminanza dal vitg cun in’administraziun autonoma, ina rait cun blers contacts externs, differentas modas da vesair il mund, divers champs d’experientscha ed abilitads multifaras. Tenna è mo in exempel per blers vitgs muntagnards. Il purtret dad Elisabeth Bardill po eventualmain dissegner in maletg pli precis da la pitschna cuminanza dal vitg che quai ch’i fiss pussaivel da far or d’in punct da vista extern. Giuvnas famiglias planiseschan qua lur avegnir e sa participeschan al svilup local e regional. Quel è marcà d’in progress precaut. Grondas stallas, la tecnica agrara moderna e vehichels champesters robusts appartegnan a la culissa.

L’impuls per far lavur publica survegnan baud u tard prest tut las abitantas ed abitants d’in vitg. Els vivan qua en la democrazia la pli directa. Elecziuns, decisiuns, occurrenzas ecclesiasticas e culturalas, activitads d’uniuns e da societads èn adina er influenzadas personalmain. Quai na simplifitgescha betg la convivenza. Perquai èn las abitantas ed ils abitants d’in vitg muntagnard adina dumandads danovamain d’esser tolerants, conciliabels ed empatics u da siglir sur l’atgna sumbriva per amur d’ina midada.

L’autura prelegia en tudestg. La prelecziun è publica ed ha lieu **gieviga, ils 12 da matg 2011 a las 17.00**. Nus As envidain cordialmain a questa occurrenza. L’entrada è libra. Ina visita vala la paina!